



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU BOSS – BOSANSKE STRANKE – MIRNES AJANOVIĆ

Broj: 03-07-6-260/15
Sarajevo, 25. mart 2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS – Bosanske stranke – Mirnes Ajanović za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je BOSS – Bosanska stranka – Mirnes Ajanović prekršila odredbe člana 4. stav (1), člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS – Bosanske stranke – Mirnes Ajanović za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BOSS – Bosanska stranka – Mirnes Ajanović finansirala se iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	24,49	0,01%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	200.438,74	99,99%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	200.463,23	100,00%
II	Kreditno zaduženje kod banaka	0,00	0,00%
	Izvori finansiranja (I+II)	200.463,23	100,00%

U godišnjem finansijskom izvještaju stranka je iskazala rashode u ukupnom iznosu od 216.139,96 KM.

2. PREDSTAVLJANJE POLITIČKE STRANKE

Naziv političke stranke: BOSS-Bosanska stranka-Mirnes Ajanović. Skraćeni naziv stranke: BOSS.

Politička stranka je upisana u registar političkih organizacija kod Višeg suda u Tuzli rješenjem broj: R-I-8/94 od 09.05.1994. godine, pod nazivom: Bosanski omladinski savez BOSS. Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli od 08.05.2006. godine izmijenjen je naziv stranke koji glasi: BOSS-Bosanska stranka-Mirnes Ajanović, te je rješenjem Općinskog suda u Tuzli od 08.05.2006. godine upisana promjena sjedišta stranke.

Sjedište političke stranke je u Tuzli, Kojšino 7.

Ovlašteno lice za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2014. godinu je Nedžad Zonić.

Prema podacima iz godišnjeg finansijskog izvještaja za 2014. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor,
- Regionalni odbor Sarajevo-Goražde i
- 45 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS – Bosanske stranke – Mirnes Ajanović za 2014. godinu i finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja BOSS – Bosanske stranke – Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta i troškove kampanje.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja BOSS – Bosanske stranke – Mirnes Ajanović u periodu od 2004. do 2013. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja za 2013. godinu, izdat je izvještaj o reviziji sa mišljenjem revizora, nalazima i preporukama stranci da se ne finansira iz zabranjenih izvora, da svoja sredstva ne koristi van utvrđenog plana troškova novčanih sredstava, da vodi adekvatne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, kao i da vrši usaglašavanje svojih obaveza.

Nerealizovane preporuke:

Na osnovu uočenih nedostataka u godišnjem finansijskom izvještaju za 2014. godinu, utvrđeno je da BOSS – Bosanska stranka – Mirnes Ajanović nije ispoštovala date preporuke.

5. NALAZI I PREPORUKE

5.1. NALAZI

a) BOSS-Bosanska stranka-Mirnes Ajanović prekršila je odredbu člana 4. stav (1) Zakona o finansiranju političkih stranaka.¹

Stranka svojim Planom troškova za 2014. godinu nije planirala novčana sredstva za naknade vijećnika.

¹ Prema odredbama člana 4. stav (1) Zakona o finansiranju političkih stranaka, finansijska sredstva iz člana 3. stav (1) navedenog Zakona stranka može koristiti isključivo za ostvarivanje ciljeva utvrđenih svojim programom i statutom.

Na osnovu akta broj: 01-14-388-71/15 od 04.09.2015. godine, utvrđeno je da su sredstva iz budžeta Kantona Sarajevo za 2014. godinu namjenjena za BOSS-Bosansku stranku-Mirnes Ajanović u iznosu od 53.637,70 KM, isplaćena na transakcijski račun broj 1990496065383857 otvoren kod Sparkasse bank na ime Esed Radeljaš.

Obzirom da je stranka koristila budžetska sredstva van utvrđenog plana, prekršila je odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

Uvidom u poslovne knjige stranke utvrđeno je da stranka nije evidentirala sve prihode i troškove u svojim poslovnim knjigama te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

- (1) Stranka u obrascu 3-f finansijskog izvještaja (Prihodi iz budžeta) i poslovnim knjigama nije iskazala prihode iz budžeta Kantona Sarajevo u iznosu od 53.637,70 KM, čime je prekršila odredbe člana 19. Pravilnika.
 - (2) Pregledom je utvrđeno da stranka nije u poslovnim knjigama uspostavila potpune i tačne evidencije o obavezama prema Općini Zavidovići i Kantonu Sarajevo-Gradsko vijeće i nije iskazala ispravno u godišnjem finansijskom izvještaju, čime je prekršila odredbe člana 24. Pravilnika.
- Stranka je u finansijskom izvještaju i poslovnim knjigama iskazala obaveze prema Općini Zavidovići u iznosu od 640,00 KM.
Na osnovu podataka koje je dostavila Općina Zavidovići, utvrđeno je da su obaveze BOSS – Bosanske stranke – Mirnes Ajanović na dan 31.12.2014. godine iznosile 1.042,20 KM, što je za 402,20 KM više u odnosu na obaveze koje je stranka iskazala u obrascu 5.
 - Takođe, stranka je iskazala obavezu prema Kantonu Sarajevo – Gradskom vijeću u iznosu od 585,00 KM, dok prema podacima koje je dostavio Kanton Sarajevo – Gradsko vijeće, stranka nema neizmirenih obaveza prema navedenom dobavljaču.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

BOSS – Bosanska stranka – Mirnes Ajanović je, prema podacima Centralne izborne komisije BiH, u svrhu izborne kampanje mogla da potroši 1.492.252,10 KM.

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

U godišnjem finansijskom izvještaju, BOSS – Bosanska stranka – Mirnes Ajanović je iskazala troškove propagande u iznosu od 61.774,57 KM.

5.2. PREPORUKE

Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svoja sredstva ne koristi van utvrđenog plana troškova novčanih sredstava,*
- *da vodi adekvatne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

Takođe se preporučuje:

- *da isplate, na koje stranka obračunava pripadajuće poreze i doprinose, vrši isključive putem transakcijskog računa.³*

KOMENTAR:

BOSS-Bosanska stranka-Mirnes Ajanović je u ostavljenom roku dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu. Uz primjedbe stranka nije dostavila dodatne relevantne dokaze, te Služba za reviziju nije korigovala nalaze revizije iz Preliminarnog izvještaja.

Šef Odsjeka za revizijske poslove
Sanja Tošović

Šef Službe za reviziju
mr.sc Hasida Gušić

Revizor

Veliborka Kenjić

³ Stranka je izvršila isplatu putem blagajne, gotovinski fizičkim licima koja su izvršila usluge lijepljenja plakata. Stranka je obračunala i evidentirala pripadajuće poreze i doprinose na navedene isplate.